



Ina delegaziun d'ustiers sursilvans cun in deputà da la Surselva: Roland Häffiger, Curdin Brugger, Maurus Tomaschett, Linus Arpagaus e Chris Faber (da san.).

FOTOS G. N. STGIER

«Sensibilisar la politica per nossa branscha»

Gastro Grischun ed il cussegl grond

DA GION NUTEGN STGIER / ANR

■ **L'inscunter dals ustiers grischuns cun deputadas e deputads è danovamain stà in success. Franz Sepp Caluori, il president da Gastro Grischun, vul cuntinuar cun da quell'occurrenzas er per vegnir pli datiers a la politica.** La Gastro Grischun è ina da las grondas associaziuns professiunalas da noss chantun cun bunamain 1000 commembers. Fundada è quella organisaziun vegnida avant 101 onns e quai sco Uniun dals ustiers grischuns. Quel mument che la Federaziun naziunala dals ustiers ha midà ses num tar la Gastro Suisse ha er l'uniun grischuna fatg quai cun il num Gastro Grischun.

Ustiers da tut las regiuns

Franz Sepp Caluori da Cuira è dapi otg mais al timun da Gastro Grischun e represchentant per tuts ils ustiers che nus avain en noss chantun è el stà l'ospitant da deputadas e deputads ier a Cuira. Aposta per il l'uschenumnà «lunch» ha l'Uniun grischuna dals ustiers survegnì la «Alphütte» che sa chattà da preschent

sin il Plaz dal teater a Cuira e transfurmà quella per intginas uras en in restaurant. Vegnids èn las parlamentarias ed ils parlamentaris en rotscha ed er blers ustiers da tut las regiuns da noss chantun han nizzegià l'occurrenza d'inscunter il preschentan- tas da la politica chantunala. Quel inscunter ha già gi lieu a chaschun dal giubileum da 100 onns Gastro Grischun il 2014.

Promover anc daplì ils contacts

Franz Sepp Caluori, il president da Gastro Grischun e deputà da Cuira, ha ditg che quel inscunter cun in «lunch» cuminaivel saja stà ina buna occasiun da vegnir pli datiers a la politica. Durant ils discurs bilaterals hajan ils blers ustiers er pudì far attent deputadas e deputads als problems actuals dals travagls gastronomic en noss chantun. In auter aspect saja er stà la tgira dals contacts cun deputadas e deputads ed er da megliarar quels. Sia finamira saja da promover anc pli fitg quels contacts, quai che saja oz da gronda valur dad avair ina rait da contacts pli vasta. Adina puspè saja Gastro

Grischun er dependent da la politica e per quel scopo saja l'inscunter cun deputadas e deputads da gronda impurtanza. Ina raschun da quella occurrenza saja er da sensibilisar la politica per la branscha da la gastronomia e lur quitads, ha punctuà Franz Sepp Caluori.

Nagina lobby sco ils purs

L'inscunter da cuminanza tranter ustiers e parlamentaris saja bain er in bun barat d'ideas e cun in magiel vin ed en ina atmosfera amiaivla sa lascha quai er far pli bain, ha menziunà Franz Sepp Caluori. Cun sentir direct dals ustiers lur giavischs a la politica saja eventualmain er pussaivel da reducir singulas ordinaziuns cun avair deputadas e deputads chapientscha per quella branscha che haja da preschent betg uschè simpel, accentuescha il president chantunala dals ustiers. «Nus avain nagina lobby sco ils purs e perquai èn da quell'entupadas cun deputadas e deputads indispensablas», manegia Franz Sepp Caluori. Gastro Grischun è stà pli che be generus cun ils ustiers, cun servir be il meglier ed il pli bun da la cuschina e dal tschaler.



Cussegliev guvernativ Jon Domenic Parolini flancà dals ustiers Ruedi Duschletta (a san.) e Horst Salutt.



Deputà Aurelio Casanova, l'ustiera Annalisa Giger ed il deputà Robert Heinz (da san.).



Da buna luna cussegliev guvernativ Christian Ratgeb ed ils dus giuvens deputads Reto Cramer e Tino Schneider (da san.).



Da la partida a l'inscunter èn er stads il deputà Mario Salis (a san.) e l'ustier engiadinais Primo Semadeni.



Er vesì tar il «lunch» han ins il deputà Daniel Buchli (a san.) e Leo Thomann, il president da la vischnanca Surses.



Il deputà Walter Grass (amez) cun l'ustiera Paula Vetter e l'ustier Rudolf Pazeller.